

اتوار 22 مارچ، 2020ء

مضمون۔ مادا

سنہری متن: زکریاہ 2 باب 13 آیت

”اے بنی آدم خداوند دے حضور چپ رہو۔“

جوابی پڑھائی: 1 کرنتھیوں 2 باب 9، 10، 12، توں 14 آیتاں

9۔ بلکہ جیویں لکھیا اے اونج ای ہو بیاپی جیہڑیاں شیواں نہ اکھیاں نے ویکھیاں نہ کنڈاں نے سُنیاں نہ بندے دے دل وچ آئیاں۔ اوہ ساریاں رب نے اپنے محبت کرن والیاں لئی تیار کر دیتاں۔

10۔ پر ساڈے اُتے رب نے اوہناں نوں روح دے پاروں ظاہر کیتا۔

12۔ بلکہ اسی نہ جگہ داروہ بلکہ اوہ روح پایا جیہڑا رب ولوں اے تاں جو اوہناں گلاں نوں جانئے جیہڑیاں رب نے ساہنوں عنایت کیتیاں نیں۔

13۔ تے اسی اوہناں گلاں نوں اوہناں لفظاں وچ بیان نئیں کردے جیہڑے انسانی حکمت نے ساہنوں سکھائے نیں بلکہ اوہناں لفظاں وچ جیہڑے روح نے سکھائے نیں تے روحانی گلاں داروہانی گلاں نال مقابلہ کردے آں۔

14۔ پر نفسانی بندہ رب دے روح دیاں گلاں نوں ننیں مَن داکیوں جے اوہ اوہدے نیہ سڑے بے وقوفی دیاں
گلاں نیں تے نہ اوہ اوہناں نوں سمجھ سکد اے کیوں جے اوہ روحانی طور تے پرکھیاں جان دیاں نیں۔

درسی وعظ

بائبل وچوں

1۔ یسعیاہ 60 باب 1 توں 4 (توں پہلا)

1۔ اٹھ روشن ہو کیوں جے تیرا چانن آگیا تے خداوند دا جلال تیرے اُتے ظاہر ہو گیا۔

2۔ کیوں جے ویکھ ہنیرا دھرتی اُتے چھا جاوے گاتے تیریاں اُمتاں اُتے پر خداوند تیرے اُتے ظاہر ہووے گا
تے اوہدا جلال تیرے اُتے ظاہر ہووے گا۔

3۔ تے قوماں تیری لوؤل آون گیاں تے سلاطین تیرے طلوع دی روشنی وچ ٹرن گے۔

4۔ اپنیاں اکھیاں چک کے چاراں پاسے ویکھ۔

2۔ 2 سلاطین 6 باب 8 توں 17 آیتاں

8۔ تے شاہ ارام شاہ اسرائیل نال لڑ رہیا سی تے اوہنے اپنے خادماں نال مشورہ کیتا تے آکھیا پئی میں فلاں فلاں
تھاں تے ڈیر الاواں گا۔

9۔ ایس لئی رب دے بندے نے شاہ اسرائیل نوں سُنیاں گھلیا خبر دار توں فلاں تھاں توں نہ لنگی کیوں جے
او تھوں ارامی آؤن والے نیں۔

10۔ تے شاہ اسرائیل نے اوس تھاں تے جیدی خبر رب دے بندے نے دتی سی تے اوہنوں دس دتاسی بندے
گھلے تے او تھوں اپنے آپ نوں بچایا تے ایہہ صرف اک یاد واری نیں ہوئیا۔

11۔ ایس گل دے پاروں شاہ ارام دادل بڑا بے چین ہوئیا تے اوہنے اپنے خادماں نوں سد کے اوہناں نوں آکھیا
کیہ تسی مینوں نیں دسوگے پئی ساڈے وچوں کیہڑا شاہ اسرائیل ول اے۔

12۔ فیر اوہدے خادماں وچوں اک نے آکھیا نیں اے میرے مالک! اے میرے بادشاہ! بلکہ ایس جیہڑا
اسرائیل وچ نبی اے تیریاں اوہناں گلاں نوں جیہڑیاں توں خلوت گاہ وچ آکھدا ایس شاہ اسرائیل نوں دس
دیندا اے۔

13۔ اوہنے آکھیا جا کے ویکھو اوہ کتھے اے تاں جو میں اوہنوں پھڑاواں تے اوہنوں ایہہ دسیا گیا پئی اوہ دوتن
وچ اے۔

14۔ فیر اوہنے او تھے گھوڑیاں تے رتھاں تے اک وڈھے لشکر نوں گھلیا ایس لئی اوہناں نے راتوں رات آکے
اوس شہر نوں گھیر لیا۔

15۔ تے جدوں اوس رب دے بندے دا خادم صبح نوں اٹھ کے باہر نکلیا تے ویکھیا اک لشکر گھوڑیاں تے
رتھاں دے نال شہر دے آلے دوالے اے ایس لئی اوس خادم نے جا کے اوہنوں آکھیا ہائے اے میرے
مالک! اسی کیہ دعا کرینے؟

- 16- اوہنے جواب دتا ڈرنہ کیوں جے ساڈے نال والے اوہناں دے نال والیاں توں بوہتے نیں۔
- 17- تے ایسح نے دعا کیتی تے آکھیا اے خداوند اوہدیاں آکھیاں کھول دے تاں جو اوہ دیکھ سکے فیر خداوند نے اوس جوان دیاں آکھیاں کھول دتیاں تے اوہنے جدوں نظر کیتی تے دیکھیا پئی ایسح دے آ لے دوالے دا پہاڑ آتشی گھوڑیاں تے رتھاں نال بھریاے۔

3- یسعیاہ 17 باب 7، 8 آیتاں

- 7- اوس دن انسان اپنے خالق وَل نظر کرے گا تے اوہدیاں آکھیاں اسرائیل دے قدوس وَل دیکھن گیاں۔
- 8- تے اوہ مذبحیاں یعنی اپنے ہتھ دے کم اُتے نظر کرے گا تے اپنی دستکاری یعنی یسرتاں تے بتاں دی فکر نہ کرے گا۔

4- متی 13 باب 1 توں 3 (توں پہلا)، 10 توں 17 آیتاں

- 1- اوس دن یسوع گھروں نکل کے جھیل دے کنڈے جا بیٹھیا۔
- 2- تے اوہدے کول اجیہا جتھا جمع ہو گیا پئی اوہ کشتی اُتے چڑھ بیٹھیا تے سارا جتھا کنارے اُتے ای کھڑا رہیا۔
- 3- تے اوہنے اوہناں نوں بوہت ساریاں گلاں تمثیلاں وچ آکھیاں۔
- 10- چیلیاں نے کول آکے اوہنوں آکھیا پئی توں اوہناں نال تمثیلاں وچ کیوں گلاں کر داں؟

- 11- اوہنے جواب وچ اوہناں نوں آکھیا ایس لئی پئی تہانوں آسمان دے بھیداں دی سمجھ دتی گئی اے پر اوہناں نوں نئیں دتی گئی۔
- 12- کیوں بے جیدے کول ہے اے اوہنوں دتا جاوے گا تے اوہدے کول بوہتا ہو جاوے گا تے جیدے کول نئیں اے اوہدے کولوں اوہ وی لے لیا جاوے گا جیہڑا اوہدے کول اے۔
- 13- میں اوہناں نال تمثیلاں وچ ایس لئی گلاں کرداں واں پئی اوہ ویکھدیاں ہوئے نئیں ویکھدے تے سُن دیاں ہوئے نئیں سُن دے تے نئیں سمجھدے۔
- 14- تے اوہناں دے حق وچ بسعیہ دی ایہہ پیشن گوئی پوری ہندی اے پئی تسی کنناں توں سُنوں گے پر ہر گز نہ سمجھو گے تے آکھیاں توں ویکھو گے پر ہر گز نہ جانو گے۔
- 15- کیوں بے ایس امت دے دل اُتے چربی چھا گئی اے تے اوہ کنناں توں اُچا سُن دے نیں تے اوہناں نے اپنیاں آکھیاں بند کر لیاں نیں تاں ایچ نہ ہووے پئی آکھیاں نال جانن تے کنناں نال سُنن تے دل نال سمجھن تے من تے میں اوہناں نوں شفا بخشاں گا۔
- 16- پردھن نیں تہاڈیاں آکھیاں ایس لئی پئی اوہ ویکھدیاں نیں تے تہاڈے کن ایس لئی پئی اوہ سُن دے نیں۔
- 17- پر میں تہانوں سچ آکھداں واں پئی بوہت سارے نبیاں تے راستبازاں نوں خواہش سی پئی جو کجھ تسی ویکھدے او ویکھن پر نہ ویکھیا تے جیہڑیاں گلاں تسی سُن دے او سُنن پر نہ سُنیاں۔

5- لوقا 10 باب 21 آیتاں

21- اوسے ویلے اوہ روح پاک نال خوشی وچ بھر گیا تے آکھن لگیا اے باپ آسمان تے دھرتی دے خداوند میں تیری حمد کرداواں پئی توں ایہہ گلاں داناواں تے سیانیاں توں لکویاں تے بچیاں اُتے ظاہر کیتیاں۔ ہاں اے باپ! کیوں جے اینجی ای تینوں پسند آیا۔

6- گلتیوں 6 باب 7 توں 9 آیتاں

- 7- دھوکہ نہ کھاو۔ رب مذاق وچ نئیں اڑایا جاندا کیوں جے بندہ جو کجھ بیچ دا اے اوہ ای وڈے گا۔
- 8- جیہڑا کوئی اپنے بدن لئی بیچ دا اے اوہ بدن توں ہلاکت دی فصل وڈے گاتے جیہڑا روح لئی بیچ دا اے اوہ روح توں ہمیشہ دی حیاتی دی فصل وڈے گا۔
- 9- اسی نیک کم کرن وچ ہمت نہ ہاریے کیوں جے بے دل نہ ہونواں گے تے پورے ویلے اُتے وڈاں گے۔

7- 1 پوحتا 2 باب 15 توں 17 آیتاں

- 15- نہ جگ نال محبت رکھو نہ ای اوہناں شیواں نال جیہڑیاں جگ وچ نئیں۔ جیہڑا کوئی جگ نال محبت رکھدا اے اوہدے وچ پیو دی محبت نئیں۔
- 16- کیوں جے جو کجھ جگ وچ اے یعنی بدن دی خواہش تے اکھیاں دی خواہش تے حیاتی دی شوخی اوہ پیو ولوں نئیں بلکہ جگ ولوں اے۔

بائبل دا ایہہ سبق پلین فیلڈ کرچن پرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیریں نال بنیاں۔

مادہ فانی سیان دا پہلا عقیدہ اے، کیوں جے ایس نام نہاد سیان نوں روح دی کوئی سمجھ نہیں اے۔ فانی سیان لئی مادہ اصلی اے تے بدی اصلی اے۔ بشر دیاں نام نہاد حساں مادی نیں۔ ایس لئی بشر اں دی نام نہاد حیاتی مادے اُتے انحصار کر دی اے۔

مادی انسان تے فانی سیان دی ابتدائوں واضح کر دیاں ہوئے یسوع نے آکھیا: ”تسی میریاں گلاں کیوں نہیں سمجھدے؟ ایس لئی کہ میرا کلام سن نہیں سکدے۔ تسی اپنے پیو ابلیس (بدکار) وچوں اوتے اپنے پیو دیاں خواہشاں نوں پورا کرنا چاؤندے او۔ اوہ شروع توں ای خونی اے تے سچائی اُتے قائم نہیں رہیا کیوں جے اوہ دے وچ سچائی ہے ای نہیں۔ جدوں اوہ جھوٹ بول دا اے تے اپنی ای آکھدا اے کیوں جے اوہ جھوٹا اے بلکہ جھوٹ دا پیو اے۔“

3- 591:8-10 (توں؛)، 12 (سچائی دے مخالف) صرف

مادہ۔ خرافاں؛ فانیت؛ فانی سیان داد و جاناں؛ بھرم، ذہانت، مواد، تے غیر ذہانت تے فانیت وچ حیاتی؛۔۔۔
سچائی دا مخالف۔

4- 32-24:38

یسوع نے دو جیاں لئی راہ تیار کیتی۔ اوہنے مسیح دا نقاب چھلکا، جیہڑا الہی محبت دار روحانی خیال اے۔ جیہڑے لوک بس اپنی خوشی تے حواس دی تسکین وچ جیوندیاں ہوئے پاپ اُتے یقین کرن تے اپنے آپ وچ ای دفن نہیں اوہناں لئی اوہنے مادیت وچ آکھیا: اکھاں ہے نہیں پر تسی ویکھدے نیں، کن ہے نہیں پر تسی سُن دے نیں؛ پئی کتے دلوں نہ سمجھ لو تے باز آؤ تے میں تہانوں شفا دیواں۔ اوہنے تعلیم دتی پئی مادی حواس سچھائی نوں تے اوہدی شفا دین والی طاقت نوں چُپ کر اووندے نیں۔

5- 284:15-18، 21-23، 28-32

کیہ دیوتانوں مادی حواس دے پاروں جانیا جاسکد اے؟ کیہ اوہ مادی حواس جیہڑیاں روح دی براہ راست گواہی حاصل نیں کر دیاں، اوہ روحانی حیاتی، سچھائی تے محبت دی صحیح گواہی نیں دیندیاں؟

بدنی حواس رب دا کوئی ثبوت حاصل نیں کر سکدیاں۔ اوہ نہ تے آکھ توں روح نوں ویکھ سکدے نیں نہ کن نال سن سکدے نیں، نہ ای روح نوں محسوس کر سکدے، چکھ سکدے یا سَنگھ سکدے نیں۔

کر سچن سائنس دے مطابق، انسان دیاں صرف اوہ ای حواس روحانی نیں، جیہڑیاں الہی سیان توں ظاہر ہندیاں نیں۔ خیال رب توں انسان وچ منتقل ہندے نیں، پر نہ ای احساس تے نہ ای رپورٹ مادی بدن توں سیان وچ جاندے نیں۔ باہمی رابطہ ہمیشہ رب توں ہو کے اوہدے خیال، یعنی انسان تیکر جاند اے۔

6- 32-31:209

روحانی فہم رب نوں سمجھن دی اک باخبر، متواتر صلاحیت اے۔

7- 10-5:210

مسیحت دا اصول تے ثبوت روحانی فہم دے پاروں سمجھے جاندے نیں۔ ایہناں نوں یسوع دے اظہار دے سامنے رکھیا جاندا اے، اوہدے بیمار نوں شفا دین، بدر و حواں نوں کڈھن تے اوہ موت یعنی جیہڑا ”سب توں پچھلا ویری اے جنہوں بر باد کیتا جاوے گا“، ایہنوں بر باد کرن دے پاروں مادے تے ایہدے نام نہاد قانوناں لئی اوہدی لاپرواہی و کھاؤندے نیں۔

8- 18-9:294

ایہہ بھروسہ پئی مادا سوچدا، ویکھدا یا محسوس کردا اے ایس بھروسے نالوں بوہتا اصلی اے پئی مادا مزالینڈا تے دکھ سہندا اے۔ ایہہ فانی عقیدہ، جیڈا لٹ ناں انسان یا غلطی اے، آکھ رہیا اے: ”مادے وچ ذہانت تے احساس ہندا اے۔ حساں محسوس کردیاں نیں۔ دماغ سوچ داتے پاپ کردا اے۔ معدہ اک انسان نوں غضب ناک بنا سکدا اے۔ زخم انسان نوں معذور تے مادا انسان نوں قتل کر سکدا اے۔“ نام نہاد مادی حساں دا ایہہ فیصلہ انسان نوں نشانہ بناؤندا اے تے جسمانیات تے امراضیات وانگر اوہناں نوں جھوٹی گواہی دا، تے ایہوں

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

تیکر پئی اوہناں غلطیاں دا ادب کرنا سکھاؤند اے جیہڑیاں روحانی حس تے سائنس دے پاروں برباد کیتیاں
جاندیاں نیں۔

9- 14-1:122

بدنی حساں دا ثبوت کئی واری ہستی دی اصلی سائنس نوں بدل دیندا اے، تے اتخ پاپ، بیماری تے موت نوں
ظاہری طاقت عطا کردیاں ہوئے مخالفت دی سلطنت قائم کردا اے؛ پرچنگا سمجھیا جاوے تے حیاتی دے
وڈھے حقائق غلطیاں دی ایس تکون نوں شکست دیندے، ایہدی جھوٹی گواہی دی مخالفت کردے، تے آسمان
دی بادشاہی نوں ظاہر کردے نیں، جیہڑا دھرتی اُتے ہم آہنگی دی اصل سلطنت اے۔ مادی حساں دا روح دی
سائنس نوں بدلنا عملی طور تے اُنی سو سال پہلاں یسوع دے اظہار دے پاروں سامنے لیا گیا، ایس لئی ایہہ نام
نہاد حساں ہالے وی فانی سیان نوں فانی بدن دے مددگار بناؤندے تے دماغ تے اعصاب ورگے مادے دے
خاص حصیاں نوں پیڑھے خوشی دیاں نشستاں دے طور تے لاگو کردے نیں، جتھوں ایہہ نام نہاد سیان اپنی
خوشی یاد کھدی حالت نوں بیان کردی اے۔

10- 24-15:9-7:120

سائنس بدنی حساں دی جھوٹی گواہی نوں تبدیل کردی اے، تے ایس تبدیلی دے پاروں انسان ہستی دے
بنیادی حقائق تیکر اڑدے نیں۔

صحت مادے دی حالت نہیں بلکہ سیان دی حالت اے؛ تے نہ ای مادی حساں صحت دے موضوع اُتے
بھروسے دے قابل گواہی پیش کر سکدیاں نیں۔ شفا ئیہ سیان دی سائنس کسے کمزور لئی ایہہ ہونا نہ ممکن بیان
کردی اے جد کہ سیان لئی ایہدی اصل تصدیق کرنا یا انسان دی اصلی حالت نوں ظاہر کرنا ممکن پیش کردی
اے۔ ایس لئی سائنس والی اصول بدنی حساں دی گواہی نوں بدل دیاں ہوئے انسان نوں بطور سچائی ہم آہنگی
دے نال موجود ہونا ظاہر کردا اے، جیہڑا صحت دی کلی نیو اے؛ تے ایخ سائنس ساری بیماری توں انکار
کردی، بیمار نوں شفا دیندی، جھوٹی گواہی نوں برباد کردی تے مادی منطق دی تردید کردی اے۔

11- 23-19:84

ایہہ سمجھنا پئی سیان لا محدود اے، مادیت وچ جکڑی نہیں، دیکھن تے سنن لئی اکھ تے کن دی محتاج نہیں نہ ای
طاقت حرکت لئی پٹھیاں تے ہڈیاں اُتے انحصار کردی اے، سیان اوس سائنس ول اک قدم اے جیدے
پاروں اسی فطرت تے وجود دے بارے جان سکدے آں۔

12- 29-24، 13-5:227 (دی)

-- غلام بناؤن والیاں حساں دے دعویاں توں انکار تے اوہناں نوں بر طرف کیتا جانا چاہیدا اے۔ الہی سیان
دے قانون نوں انسان دی قید نوں ختم کرنا چاہیدا اے نہیں تے انسان انسان دے غیر منفق حقوق توں لاعلمی

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میسری سیکر ایڈی دی لکھی ہوئی کرچن سائنس دی درسی
کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تفسیراں نال بنیا اے۔

تے نہ اُمید غلامی دی محکومی نوں جاری رکھے گا، کیوں جے کجھ عوامی استاد الہی طاقت نال لا علمی دی اجازت دیندے نیں، یعنی اجیہی لا علمی جیہڑی انسان دی غلامی دے دکھاں دے تسلسل دی نیوے۔

جگ دے واسیو! ”رب دے پچیاں دی جلالی آزادی“ نوں قبول کرو، تے آزاد ہوو! ایہہ تہاڈا الہی حق اے۔ مادی حس دے وہم نے، نہ کہ الہی قانون نے، تہانوں بنھیاں ہوئیاں، تہاڈے آزاد حصیاں نوں جکڑیا ہوئیا اے، تہاڈی صلاحتاں نوں پھڑکے رکھیا اے، تہاڈے جسم نوں ماڑا کیتا ہوئیا اے، تے تہاڈی ہستی والی تختی نوں خراب کر کے رکھیا اے۔

13- 15-8:393

سیان بدنی حساں دی مالک اے، تے بیماری، پاپ تے موت نوں فسخ کر سکدی اے۔ ایس رب دے دتے ہوئے اختیار دی مشق کرو۔ اپنے بدن دی ملکیت رکھو، تے ایہدے احساس تے عمل اُتے حکمرانی کرو۔ روح دی قوت وچ جاگوتے اوہ سب کجھ جیہڑا چنگلیائی ورگانئیں اوہنوں رد کر دیو۔ رب نے انسان نوں ایس قابل بنایا اے، تے کوئی وی شے ایس قابل تے طاقت نوں وگاڑنئیں سکتی جیہڑی الہی طور تے انسان نوں دتی گئی اے۔

روزانہ دے فرض

میری بیکر ایڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دا اے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوٹیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہدے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کنگ جیمز بائبل دیاں آیتاں تے میری سیکر ایڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“، وچوں لیاں ہوئیاں لازمی تفسیراں نال بنیاں۔

چرچ مینوئیل، آرٹیکل VIII، سیکشن 6۔